

AMABARUHA G'OKWAKABIRI, NOKWAKASATU, 2018.

Ebigambo ekiherezibwe Susan kuruga hali MUKAMA, kyabalaza okwakabiri, 27,2018.

Baana, Ninyowe MUKAMA wawe owalimu kubaza. Esaaha erimu kutahamu eyempindukahinduka ezamaani. Mutekwa kurora- ekigambo KYANGE tikigamba kinu? Nyikaire ninyetegerezebwa. Baingi muno bakomamu okurabyamu amaiso okwesengereza KWANGE, Ebiragiro BYANGE. Mbahereza ebigambo binu okurora habwanyu okugasirwamu. Baingi muno abatarora baija kugwibwamu bataine ekibamanyire kandi nokufwerwa kwabu kuija kuba kwamaani muno. Nobuhakuba buli kiro baingi balimu kufwerwa obwomeezi bwabo batabandize nokuhaburwa. Baraba nkaha kakusinga baraba batalimu kurora NYOWE? Muikaze amaiso ganyu hali NYOWE, muikale nimurora. Engenderwaho endi yona teri YANGE. Ndi wamananu hali ebigambo BYANGE

Luka 12:37 Bayina omugisa abairu abo rubale, omukama wabu obwaliija abalisanga nibarora:mananukwo nimbagambira nti alyetega omunda, alibaikaliza okulya, alija okubahereza.

Baana,ebigambo binu byanyu kiro kinu. Mukwatirire hali RUHANGA wanyu. Mwirukire omu mikono YANGE. Muije mumanye hati kuraba omu kigambo KYANGE hamu nokuraba omunkoragana NANYOWE. Nimugamba ngu; "Kinu nsobora kukikora nta?" Baza NANYOWE ekiro kyona. Okuikiriza kuteka munkora amaani ga MWOYO ARUKWERA WANGE, omu bwomezi bwawe. Abo abanyakunserra kwo mali nobwegendereza, baija kunsanga nkomwana anyakwesiga omuzairewe. Mutekwa kunsera hamu nokunyesiga. Ndoho obuire bwona. Ndinziire. Obuire butoit. Musobora kurora omuirima ogunyakulimu kurubata gubetoroire? Timuli kurungi nakamu mutaine NYOWE. Kinu mutakikwata muli inywenka.

NDI JEHOVAH JIREH, AMIINA.

Abaheburaniya 11:6 Kandi hataloho okuikiriza tikisoboka okumusimwa:baitu anyakuija hali Ruhanga, kimuhikirire okuikiriza ati Aloho kandi ati Ahera abo abanyakumuse'ra.

Ebigambo ebiherezibwe Susan, kuruga hali MUKAMA, kyabalaza,okwakabiri, 28,2018.

Baana, NDI RUHANGA wanyu, omwebundaazi kandi owamaani goona. Tinyine owakunyingana. Busaho nomu anyakuli nka NYOWE. Muije musembere haihi NANYOWE. Muije Mumanye. Enu niyo ensonga habwaki mwahangirwe. Nyiniire ekigendererwa obwomeezi bwanyu;okugonza RUHANGA hamu nokugonza abandi,okwebembera abandi kubatwara aha muhanda GWANGE ogufunda. Okumanya omumulingo ogwomunziha. Kinu kisobora kuba kita? Munseere omu kwikiriza nkokwomwana omuto- muije mumanye muli aha maju ganyu, omu ngendo zanyu, omu kiro kyanyu kyona,-mubuli kimu kyona ekimukukora-muntekemu. Ndoho okubagana obwomeezi nainywe. Ningonza muno okuba haihi ngana kunu. Mukuserre kandi muija kukusanga. Ndi wamananu hali Ebigambo BYANGE.

Okuruga 8:9-10 Musa yagambira Faraho ati Ba nekitinisa kinu namberendi;nsabe kasumi ki habwawe, na habwabairu bawe, na habwabantu bawe,ebikere bihwerekerezebwe namberoli nomu maju gawe ,biikale omu kyambu honka?30 Yagamba ati ijo. Yagamba ati kikorwe nkegigambo kyawe okukiri,nukwo omany e tiharo ho arukusisana nka MUKAMA RUHANGA waitu.

EBIGAMBO EBITUNGIRWE SUSAN, KURUGA HALI MUKAMA, KYAKANA, OKWAKASATU, 1, 2018.

Abatabani hamu nabahara: Ndi RUHANGA anyakwetaaga enkoragana. Mbahereza buli kimu kyona. orwoya rwokuihya, obwomeezi, kandi nyemereza obwomeezi obwo. Tinsobora nokusaba enkoragana kuruga omu bihangwa BYANGE byonyini? Enu niyo ensonga habwaki mwahangirwe. Bataito muno batekamu ekitinisa okwesengereza KWANGE. Abakukira obwingi baanugira kimu. Bataito muno nibo baine ekichweka kyona ekyokukora NANYOWE. Ebigambo BYANGE tibikuhinduka. Kakusinga mutanserra mukanzoora omu bwomeezi bunu timukwija kuba NANYOWE omu bwomezi obukwija. Mumpindukire hati. Muije hali NYOWE omu kiikaro ekyensita ekyomutima gwanyu, kandi muije omu kumanya omumulingo ogwomunziha. Ndimu kubeeta kiro kinu. Nyenky esobora kuba ekereriirwe muno. Mutalinzamu. Onu nuwe MUKAMA wanyu kandi OMUJUNI.

Matayo 7:21-23. Omuntu wena anyakungambira ati Mukama wange Mukama Wange, tali ugu alitaha omu bukama obwomu iguru; baitu ugu anyakukora Isenyowe ali omu iguru ebyagonza. 22. Baingi balingambira ha kiro kiri ngu Mukama waitu, Mukama waitu, tutagambire omu ibara Lyawe? tutabinge mizimu omu ibara Lyawe? tutakole byamahano bingi omu ibara Lyawe? 23. Nyowe ndibagarukamu ningamba nti tinkabamanyaga inywe: murugeho namberendi, inyweni abakora ebyokwema.

Ebigambo ebiherezibwe Susan kuruga hali MUKAMA, Kyakataano, okwakasatu, 2, 2018.

Baana, BOGWO OWANYAKULI HAIGURU MUNO: Ekiirima kirimu kujira kusweka ensi, ekingonzi ha kingonzi. Ekibi kirimu kumara ensi eyenyakweriire muno mubwijwire hamu nenchwamu zayo ezibi. Haroho bataito muno omu baingi abanyakunseera omu burukwera, obuhikiriire, hamu nomungonzi. Enu niyo ekanisa YANGE eyenyakuhikire-abandi boona nibenda okwetabura-okwetabura nekibi. Ntagambe ngu akatumbisa akataito muno kasisira kinu ekikoto kyona? Aba koya koya BANGE nibenda okwetabura nensi. Nibenda okutunurra enyuma nka mukazi wa Ruta. Nibenda okukwata ekibi kandi batule ngu bamanyire, baitu tikisobora kuba kiti. Munseere aha muhanda ogufunda, busaho muhanda gundi gwona. Etabaza eyenyakuine amafuta gebichweka eija kubasiga muli aheeru yobukama. Kakusinga oija hali NYOWE, Kandi okagonza NYOWE nkusukurre omutima gwawe, ngya kukikora. Weheyo hali NYOWE kandi ngya kandi ngya kukwoleka amananu. Ebigambo BYANGE biija kumulika ekyererezi kyabyo hali ebichweka ebyomuirima omumutima gwawe kandi namananu GANGE gaija kukusumurra. Muije mwezibwe. Obuire bulimu kuhwayo. Mulekeraaho okukwatangana omungaro nomunyanzigwa WANGE. Binu biri bigambo ebyokubarabura hamu nokubateeka aha muhanda oguterekeriire. Amiina kandi Amiina.

Abefeso 5:27 Nukwo agyeretere wenka ekanisa eyekitinisa, etanyina kamogo nobugwakuba omugonya, nobukyakuba ekintu kyona ekirukusisana kiti, baitu ikalege erukwera etaloho musango.

EBIGAMBO EBIHEREZIBWE SUSAN KURUGA HALI MUKAMA, KYAMUKAAGA, OKWAKASATU, 3, 2018.

Baana, haroho enyegesa zebisuba nyingi muno hamu nebigambo ebyebisuba ebirimu kurabanganamu. Enu eri saaha yekiirima hamu nokubihwabiha. Omunyanzigwa WANGE alimu kuraruka. Nayenda okuhangaho okuburanganizibwa kuraba omu kuteekaho ekyo ekikwisana nkekirungi baitu kisisikaire kandi kijuma ekijunzire kijiire obutwa hamu nebisuba. Baingi muno banguhirwa muno kugwa omu mitego eyenyakutegerwe Omunyanzigwa WANGE aha muhanda GWANGE ogufunda kuraba omu kusoborra kubi ekigambo KYANGE. Kinu kibi kyonyini. Abanyakuli nkabaana bonka nibo bali kurungi hati-abo bonka abanyakujira hali NYOWE nkabaana abato nibetaaga okuswekwa kwa TAATA omwesigwa. Bali abahondezi BANGE abanyakuli nkabaana, abakwegarukamu, abehaireyo, abaana abakurumwa enjara nibo nkugya kuhereza ebikwato BYANGE ebyokwenyiriza kandi nyiheho ebikokwa aha maiso gabu nukwo barore emisega eyenyakuli omu byoya byentaama hamu nobutumwa obwebisuba obunyakulimu kuhambirizibwa aha makanisa. Byona tibiri kurungi baana; Ebisuba nibikorwa hali RUHANGA wanyu buli kiro. Muije haihi NANYOWE-mwebundaaze

nukwo Ngya kubebembera mbaihe omu irungu. Muije hati hali NYOWE habwokutunga Amananu goona hati. Mutabihwabihwa. NINYOWE NDI KIGAMBO.

Matayo 7:15 Mwerinde banabi abebisuba ababaizira omu byokujwara ebyentama,baitu omunda nizo enyamaiswa ezirukutagura.

Matayo 11:25 Omu biro ebi Yesu yagarukamu nagamba ati Ninkusiima Isenyowe,omukama wiguru nensi, baitu okasereka ebighambo binu hali abamagezi nabetegereza, nobisuku'ra abana abato.

EBIGAMBO EBIHEREZIBWE SUSAN KURUGA HALI MUKAMA, KYASANDE, OKWAKASATU, 04,2018.

Binu nibyo ebighambo ebya kiro kinu. Ndi owakwesigibwa. Nsobora kwesigamirwaho. Tinkwija kubaleka kugwa baana BANGE. Muije hali NYOWE mutiize amaju. Mumpereze ebyanyu byona, kandi ngya kubatwara omu bukama. Ekikoligo KYANGE kyanguhire. Omunyanzigwa nayenda okubarora omumulingo ogwahukaineho, baitu okwikiriza okwa koya koya kiri kikoligo ekikulemera muno. Nikukuletereza okuhimba omugugu ogwotahangiirwe okuhimba. Gali mananu agafu ngu habwomulimo gwawe osobora kusumururwa. Omulimo GWANGE. Nkagumaliriza aha musaraba ogugumire. Ego, mwine omusaraba ogwokuhimba, baitu tiguli musaraba ogukulemera muno kuhimba , habwokuba NINYOWE anyakwihireho omugugu gwekiragiho. Mbihire omu kuba ebiragiho ebihandikirwe aha mabaale kandi nabihandiika omu mitima yabantu-abo abanyakweherayo kimu mubwijiire bankinguraho emitima yabo kandi mpandiika amananu GANGE aha mitima yabu kandi nemigugu yabu tekulemera kandi nebiKoligo byabu byanguhire, habwokuba omuhanda gwijiire engonzi. Tihaliyo muhanda gundi gwona. Ndi muhanda oguterekeriire. Leka nukwo kibe.

Abaheburaniya 10:16 Kinu nikyo kiragano ekindiragana nabo.hanyuma yebiro biri,nukwo MUKAMA agambire;Ndita ebiragiho byange,omu mitima yabu,kandi omu magezi gabu numwo ndibihandikira.

EBIGAMBO EBIHEREZIBWE SUSAN, KURUGA HALI MUKAMA,KYABALAZA,OKWAKASATU, 05,2018.

Baana, onu nuwe RUHANGA wawe kuruga haiguru. Ensi temanyire. Emigongo yabo ehinduirwe etunulire kuli. Bataito muno omubaingi nibo malikwo bamanyire kandi bakungonza,kandi abakuntekamu ekitiinisa ekyamaani muno. Gurupu enu niyo nkwezira okwihamu kutwara omu kuba kurungi. Enamba yabantu banu benaganagire batoito. Bataito muno bonka malikwo nibo batwara ebighambo BYANGE byona omu mutima, abanyakwesiga EKITABU KYANGE, orupapura ha rupapura. Abaingi abakukira obwingi abanyakugamba ngu bamanyire,tibakwenda ebighambo BYANGE byona. Barabyamu amaiso bingi muno hali ebyo ebinkwetaaga okusukura omu kighambo KYANGE kandi mukiikaro kyakinu begomba enkora yabo hamu nensoborra yabo okulengaho okusemesa embeera zabo ezobwomeezi ezibi. Nibenda okukwatangana omungaro n'ensi, nahabwekyo amananu GANGE Omubwijwire bwago nigangibwa. Emisega nyingi muno eija okugya omu kiikaro kyebigambo BYANGE, namakuru agebisuba agahansi. Otageza okugwa omu maino gokubihwabihwa kwayo. Mwije omu kumanya omu mananu agahaiguru muno, amananu agataine kwefunya kwona. Rwanisa setani kandi nawe arakwiruka. Biikiza obwomezi bwawe aha bigere BYANGE. Leka nkwiuze na MWOYO WANGE kandi nyiheho ebikokwa ebikuswekere aha maiso gawe ebijwairwe ensi. Amananu goona garoho. Mugansabe. Hati mutekwa okusaba, nyenkya obuire busobora kuba buhoireho muno.onu nuwe RUHANGA wawe, OMUSANA gw'ensi.

Matayo 7:14 Baitu irembo lifunzire,nomuhanda ogutaha omu bwomezi muke, nabo abaguzora bake.

EBIGAMBO EBITUNGIRWE SUSAN KURUGA HALI MUKAMA,Kyakabiri,okwakasatu, 06,2018.

Baana BANGE, nimbaramukya nokunywegera okurukwera. Engonzi ZANGE zebiro nebiro, tizihwayo.

Musobora okuba nengonzi ZANGE kandi nimuhumura obwire bwona,obwire obutaine bukango. Mwije hali NYOWE. Muteeze amaju ganyu. Mumpereze ebyanyu byona-ninyetaaga inywe inyweni. Hataroho okwehayo okwijiire ,mukuba mutali BANGE nakamu. Timusobora okunywera aha kikopo KYANGE hamu nahakikopo kyemizimu hamurundi gumu. Tikikusoboka. Mube bagezi Baana BANGE, Murole esaaha eyimulimu kwikaramu hati. Murole ngu mutekwa okukora enchwamu. Byona tibibuzire kakusinga mwija hali NYOWE hati. Baitu mutalinzamu, okulindamu kwanyu kusobora kurugiramu okufwa, kandi nensobi yanyu esobora kuba yebiro byona, neikaraho. Mwije hali NYOWE hati. Tihali harungi omunsi enu eyenyakubuzire emazirweho ekibi. Mutageza okwikiriza ngu musobora okukwata kinu inywenka, mutali NANYOWE. Kyobusiru. Abo boona abanyakuli omu gehena baikaire bali basiru nibagira nti okumanya NYOWE kyali kitali kyomugaso. Mwije muserre amaiso GANGE. Muije omu kulindwa okurungi okutaine buzibu muli hansi YEMIKONO YANGE eyengonzi. Onu nuwe MUKAMA wanyu owebiro byona kandi OMUJUNI.

Zabuli 5:5 Abanyakwekunika tibalyeme'ra omu maiso gawe;Nonoba bona abanyakukora ebyokusisa.

AMABARUHA G'OKWAKASATU 2018.

EBIGAMBO EBITUNGIRWE SUSAN KURUGA HALI MUKAMA WAITU, OKWAKASATU, 07,2018.

Baana BANGE, Abankugonza. Haroho esaaha eyokuhereza embalirra. Buli muntu wena alyemerra omu maiso GANGE, kandi ahereze embalirra yobwomezi bwe. Hali abamu obuire buli haihi muno kukira abandi. Ngya kwizira ekanisa YANGE. Ngya kubasika mbafwole bobugabe kuruga omu bantu ababi abanyakutwairwe ekibi. Esaaha enu erimu kwija. Nobukyakuba kinu, baingi muno hali abaana BANGE baija kwemerra omumaiso GANGE engeri nesaaha erimu kusembera haihi eyokwihamu ekanisa. Abaana BANGE, batekwa kuba betekaniize obwire bwona. Abaana baserra ebiri byokwezi hamu noburorwaho. Ekigarukwamu kiri nti; ba anyakwetekaniize hati. Baingi baija kwemerra omumaiso GANGE kiro kinu. Busaho nomu anyakumanyire nidihi obwalitwarwa okuruga omunsi ...abakukira obwingi hati tibetekaniize. Abakukira banuga ebigambo BYANGE....Ekitabu KYANGE.... Amananu GANGE , Boona baija kujunanizibwa. Musabire abagonzebwa banyu, mwesabire.Murole buli kiro. Hati bunu nibwo obwire obwokurora. Yega ngu ndi RUHANGA Owokutinwa,kandi namananu GANGE tigasobora kuhindurwa ngu habwomwoyo gwona.Boona batekwa kuhereza embalirra. Orasangwa oswekerwe omusaahi GWANGE, noikirizibwe TAATA WANGE, oganyiirwe ekibi kyawe ekyenyuma? Munseere hati bunu. Hati bunu nibwo obwire obwikirizibwe obwokujunwa KWAVE. MUKAMA wawe abalize.

Abarumi 14:12 Nukwo itwena tulyetonganira omu omu hali Ruhanga.

EBIGAMBO EBITUNGIRWE SUSAN, KURUGA HALI MUKAMA, KYAKANA,OKWAKASATU , 08,2018.

Baana, ndimu kubabaliza kiro kinu. Nyine ebigambo ebikuru muno ebyokubahereza. Ensi enu ngufu muno. Tekugonza-ekibi kiri buli hokuhindikira. Habwaki? Habwokuba neyanga OMUHANGI wayo-AYAGIKOZIRE. Ensi temanyire nakamu,kandi tekwegomba nokumanya. Boona abanyakukwatirwe omu ngaro zayo banga amananu GANGE. Amananu agensi enu ekwegomba gali ago agakuhakaniza byoona ebinkukikirra, AMANANU GANGE gahikiriire, tigaine kwefunya, kamogo, kandi tigakugemebwa. Timpuguta nomuyaga nkengeri ensi ehora. Ensi ehinduka kuruga kasumi ha kasumi. Busaho kwisanaisana,okwesiga,oba okwemereza hahwokuba nefugwa Ise webisuba , owarukwetaaga okuhwerekerezaba abaana BANGE boona-abo abanyakumpondera hamu nabo abatampondera. Taine kusoroora kwona, ekigendererwa kye kuli kuhwerekerezaba. Busaho nomu anyakuli kurungi owanyakuli aheeru yokuswekwa kwomusaahi GWANGE hamu nemikono yobulinzi. Muhulirize mukwate ebigambo BYANGE kandi muhulirize okwesengereza KWANGE....Muzoole omuhanda gwanyu ogukwija hali NYOWE. Ninyenda okwehayo okwijuire nukwo nsobole okubahereza obulinzi omubwijwire. Muteeke obwomezi bwanyu aha bigere byange kandi ngya kubutwara nkuhereze obulinzi oburungi hati, hatali hanyumaho. Oihireho kuba NANYOWE, muli omu buzibu bwamaani muno. Musabire abo abamukugonza. Mwesige RUHANGA wanyu, leka mbahereze ekisiika ekyamaani muno ekyobulinzi. Nimpurra kinu ninkigonza, mwete NYOWE. Murubate omu musana GWANGE. NDI MUSANA-gwensi.

Yohana 8:44 Muli ba Isinywe setani, kandi nimugonza okukora okwegomba kwa isinywe. Ogu okuruga kara na kara akabali muisi;takaikaraga omu mananu , baitu amananu busamu omuluwe. Obwabiha ebisuba,buli agamba ebye,baitu ugu mubihi,nuwe ise ebisuba.

EBIGAMBO EBITUNGIRWE SUSAN KURUGA HALI MUKAMA,KYAKATANO OKWAKASATU, 09,2018.

Baana BANGE, RUHANGA wanyu nahurra nagonza okubaza nainywe:

Ndi mungonzi nekanisa YANGE-engonzi ezomunziha muno, engonzi ezitasobora okusoborwa. Nazoka kurungi muno anyirire omu maiso GANGE. Oburungi bwe hali NYOWE bwamani muno-Tinsobora okwiha amaiso GANGE hali ekanisa YANGE. Ekanisa enu esobora okusangwa omu nsonda zoona ezenzi- omunsi yoon. Ekanisa YANGE eyehikire, nesangwamu abataito muno abatakumanyirirwa, abo abensi enagire kuli. Abo abatamanyirwe, abanyakuserekerwe habwebigendererwa BYANGE hali ensi eyetakumanya. Ali mugonzebwa omu mihandaye yoon. Abikiize hansi okuhambyakwe kwona okwebintu byensi, hamu nemitego yekibi. Aikaza amaiso ge goona agataire hali NYOWE haiguru yebindi byona, nobuhakuba eka ye, ekiikaro kye, ebyobugaiga bye, hamu nobukurubwe. Ateeka RUHANGA we omuntebe yobukama eyomumutima gwe kandi nyimukibwe haiguru muno omu mutima gwe haiguru yebindi byona. Ali musinguzi. Ensi temuineho okumusika kwona-nemuzookera nakubi muno omu maiso gaye. Takusikwa kubuzabuzibwa nka mukazi wa Ruta. Amaiso ge goona gaikara ahaiguru gatunulire hali OMUGOLE WE OMUSAIJA(OMUSWEZI) owakuija bwangu. Mwikale mwekambire muli hali NYOWE inywe ekanisa YANGE! Mutageza okurora bulyo rundi bumoso. Muikale muli aha muhanda ogufunda. Tinkuija okubaleka rundi okubahemukira, nimbagonza muno obutakanga. ONU nuwe OMUJUNI wanyu kandi OMUGONZEBWA womwoyo gwawe.

Ekyebiragiro 6:5 Kandi ogonzege MUKAMA RUHANGA wawe, nomutima gwawe gwona, nobwomezi bwawe bwona, namani gawe gona.

Ekizina 4:9 Onsemize omutima gwange, munyanya nyowe, mugole wange. Onsemize omutima gwange neriso lyawe, Nomukufu ogumu ogwomu bikya byawe.

EBIGAMBO EBIHEREZIBWE SUSAN KURUGA HALI MUKAMA, KYAMUKAGA, OKWAKASATU, 10, 2018.

Baana, onu nuwe MUKAMA RUHANGA wanyu. Mbainiire ebigambo. Muzinire, muzinire, muzinire RUHANGA wanyu! Engonzi ZANGE tizirigeza okuleka abo abanyakunserra nomutima gwoona, omwoyo, entekereza, hamu namaani gabu goona. Ngya kubahereza omugisa gwebiro byona, habwokwemerra NANYOWE, kuraba omu mbeera zoona ezobwire; omwanya omurungi hamu nomwihunga. Ndi mwesigwa kandi ndiinda endagaano ZANGE zoona. Osobora okwesiga kandi okesigamira hali RUHANGA wawe okurora nti norabamu obwokuba okwasire omukono gwa RUHANGA wawe kandi okanteeka omu kiikaro ekikuru ekyokufuga obwomeezi bwawe bwoona. NDI wamaani muno iwe obwokuba oli muceke. Nsobora okurora omuhanda ogunyakuli omumaiso. Manyire omuhanda kandi ndi wamananu hali EKIGAMBO KYANGE. Busaho orulengo orunyakuli haiguru muno okukira ORWANGE. Mbesengeriize muije hali NYOWE. Mumpambye muije hali NYOWE hamu nomumihanda YANGE Eyahaiguru muno. Nfuga amananu goona. Amananu Gali GANGE kandi gezibwe muno gasororwamu. Omuhanda gundi gwona ogwokuhondera guli kisuba kuruga hali omunyanzigwa WANGE. Omuhanda ogufunda guli muhanda ogurungi muno gwonka ogwokurabamu. Mwegarukemu kandi mumpereze okwehayo okwijuire kandi NANYOWE ngya okumulikya omuhanda gwanyu. Hati bunu hatali hanyumaho, nubwo obuire obwokurubata okwija omu musana GWANGE, hamu nomumuhanda ogufunda. NINYOWE abalize kiro kinu- RUHANGA nuwe KUGONZA.

Danieri 9:4 Nasaba MUKAMA RUHANGA wange, nagamba emisango nagamba nti Ai Mukama, Ruhanga omukuru, kandi owokutinisira, arukwerinda ekiragano nokuganyira hali abo abamugonza, niberinda ebiragiro bye; itwe tukasisa, twakora nobutigi, twakora kubi, twayema nokuhunguka, okuleka ebiwayegeze nebyobulyo byawe.

EBIGAMBO EBITUNGIRWE SUSAN, KURUGA HALI MUKAMA , kyasande, okwakasatu, 11, 2018.

Baana, onu nuwe MUKAMA kandi OMUJUNI wawe. Ndimu kwija. Ekigambo KYANGE, tikikigamba kinu? Ngya kuija okwegarurra ekanisa YANGE-Abo abanyakwetekaniize, balimu nibarora batunuliire habwokuija kwomugole wabo omusaija(OMUSWEZI).

Mutageza okujwaha omulimo gunu. Baingi muno bagwire kuruga aha kurora. Baingi muno barubasire bagarukayo hali ensi, omwomunyanzigwa WANGE, nka mukazi wa Ruta. Kinu kiri kiikaro ekyamaani muno ekjobuzibu. Nikikwiha aha muhanda ogufunda- omuhanda ogwo nugwo ogwokurora, okusera RUHANGA wawe. Ekanisa YANGE eyamaani ensihani eri aha muhanda ogundi, omuhanda ogugazi ogukutwara omu kuhwerekerra. Kakusinga baraaba batahindukire bwangu okuhwerekerra okwebiro nebiro kwija kuba kwabu. Mube bagezi inywe baana-hati bunu nubwo obwire obwokuba namagezi hamu namananu. Mutageza okwehindura okucusa omu saha enu eyenyakukereriirwe. Omuhanda gumu gwonka nugwo gukwebembera kutwara omwa RUHANGA wawe. Omuhanda ogwokurora hamu nokuyayanira okugaruka KWANGE. NINYOWE,:ndimu kwizira omugonzebwa WANGE.

2Timoseo 4:8 Ekisigaireho, ekondo yokuhiki'ra eyahulirwe nyowe, Mukama waitu eyalimpereza ha kiro eki,omucwi wemisango yobulyo:kunu tali nyowe nyenka, baitu na bona abagondeze okubonekakwe. Luka 21:31 Nukwo nainywe obumulikarora ebi nibihiki'ra, mulimanya ngu Obukama bwa Ruhanga buli haihi.

AMABARUHA GOKWAKASATU,2018, KURUGA EBIRO 12 KUHIKYA EBIRO 14.)March 12-14
EBIGAMBO EBIHEREZIBWE SUSAN KURUGA HALI MUKAMA, Kyabalaza, okwakasatu, 12,2018.

Onu nuwe RUHANGA wanyu, owahaiguru muno kandi owamaani muno. Baana, abankugonza muno, buli buire obwokugaruka omu sensi zanyu. Buli buire obwokubumbatira RUHANGA wanyu. Muije hali NYOWE, mutiize amaju kandi muimuke haiguru yobutahikirra bwensi enu eyekibi. Nimbenda mwije hansi muno mumaiso GANGE kandi muije omu mwanya gwabarukwera. Mufwerwe emyepanko yanyu, kandi muije haiguru muno omu rwoya rwokuhikirra, oburukwera, hamu nokugonza. Kurora watunga, otekwa kubanza kufwerwa-mutekwa kubanza mukataisura okukwata kwanyu hali ensi eyekibi eyetarukwera. Muije omu mwanya ogwahaiguru muno. Muserre orusozi orwa haiguru muno. Murugeyo omu kihanga ekyekituuru ekyokufwa. Muimuke muruge omu mahwa nomubisooa ebyekibi, obubi, hamu norufu oruteire ensi enu eyekibi. Muije ahaiguru nambere orwoya ruli rurungi kandi ruhyaka, nirwera,kandi rutaine kununka kwona,-ekinunko kyomunyanzigwa WANGE Hamu nemirimo ye. Muije murubatire omu biikaro ebyahaiguru muno buli kiro muli na RUHANGA wanyu. Leka mbasimule mbasemeze omu bitekerezo byanyu, nsemeze omutima gwanyu,kandi mbahereze amaiso agokurora amananu. Nsobora okukora kinu. Muije mwegarre hansi kurora mwahika haiguru. Ego ningonza kandi nimpurra ninsobora okubaihayo mukaruga omu banyamahanga abamukwikaramu kandi nukwo mbateeke aha muhanda oguterekeriire. Nimbasaaba inywe muije hali NYOWE. Mwebundaaze,mwegarukemu ekibi kyanyu. Mwikirize ngu nimwetaaga OMUJUNI-Nimunyetaaga. Ndindiriire, baitu hatali ebiro byona. Obuire tibulinda omuntu wena, baana BANGE. MUKAMA wanyu abalize.

Okubanza 3:17-18 Kandi yagambira Adamu ati, baitu ohulire iraka lyomukazi wawe,walya ha muti, ogunakuragire ningamba nti, otaligulyaho:itaka likyenerwe habwawe;numwo oraihaga ebyokulya omu kutalibana, ebiro byona ebyobwomezi bwawe;18.Lirakuza'raga amahwa namatojo;naiwe oralyaga ebimera omu kisaka;.

Zabuli 23:4 Ego, nobundiraba omu kihanga ekyekiituru ekyokufa,Tinditiina kabi kona;baitu iwe oli Nanyowe :oruga rwawe nomuigo gwawe bimpumuza.

EBIGAMBO EBITUNGIRWE SUSAN KURUGA HALI MUKAMA, kyakabiri,okwakasatu,13,2018.

Baana, nyijuire embabazi. Ndi RUHANGA wanyu Owembabazi. Esaaha erimu kurabura. Obulimi bwesaaha aha saaha bulimu kurubata kugenda nibusemberra haihi yokuihamu ekanisa YANGE kuruga omunsi eyekibi. Abo abakugurukyagurukya baija kwesanga basigirwe kandi babuzire habwobuire bwona. Obugumu busobora okusangwa omu kigambo KYANGE kyonka. Abo abanyakusoma ekigambo KYANGE, kandi bakehayo omu buijuire hali NYOWE kandi bakaba na MWOYO WANGE omu buijuire nibo basobora okurora obuire bulimu kumacinga nebigambo BYANGE, ebyabazibwe kara muno muno.Obutumwa bunu bwona bukaherezibwa habwomulembe gunu kurora nigwetekaniza-nobukwakuba okurora. Omulembe gunu tigukuija okurabaho okugaruka KWANGE kutakabaireho-ekigambo KYANGE tikigigamba kinu? Ntateere ekisisani kyekyo kyonyini ekyesaaha eyimuine okuroramu hamu nebyo ebimuine okurora? Timusobora okurora esaaha eyimulimu kwikaramu? Baana, kakusinga mwehakana mukanga ngu esaaha terimu kwiruka okuhwayo, bunu obwo nimuba muine ekimukyaikaize omu hagati yaitu kandi obu namaiso ganyu gaisirwe butarora amananu. Mukwatiriire ekibi, obutaganyira, hamu nokugonza ensi, hamu nokwetegereza kwanyu okwobuire kuisirwe kwasikirizibwa. Obumuraaba mutarukurora ngu muli omu saaha eyehandikirwe eyokurora hali okugaruka KWANGE, . Buli obu kinu kyokuroraaho ekyekintu ekikooto kusingaho ekirimu kugenda omu maiso omu mutima gwawe ekinyakuhangireho ekihanga ekyamaani muno muhagati yaitu. Mutekwa okuteeza amaju omumaiso gebigere BYANGE, Kandi nukwo muije omu kumanya omu nkoragana nubwo nkugya okusika okwihaho orutimbe orunyakusikiriize okwetegereza kwanyu okwesaha eyimulimu kwikaramu. Murugeyo omu mwirima. Musambe omu musana GWANGE ogurungi muno. Musumururwe kuruga omu kubihwabihwa hamu nebisuba byomunyanzigwa WANGE Owanyakusiisire okwolekwa kwanyu okwomumwoyo. Hati bunu nubwo obuire obwokuimuka muturo,nyenkya busobora kuba obuire buhoireyo muno. RUHANGA owamananu hamu nobugabe nuwe abalize.

Luka 21:31-32 Nukwo nainywe obumulikarora ebi nibihiki'ra,mulimanya ngu obukama bwa RUHANGA buli haihi.32.Mananukwo nimbagambira nti obusinge bunu tibulihwaho,okuhikya ebigambo ebi byona obubirikamara okuhiki'ra.

1 Petero 2:9 Baitu inywe muli ihanga erikome,nobunyakatagara obwomukama,noruganda orurukwera, abantu abokutungwa Ruhanga wenka, nukwo mwoleke oburungi bwogu ayabesere okuruga omu muirima okutaha omu musanagwe ogwamahano.

EBIGAMBO EBITUNGIRWE SUSAN KURUGA HALI MUKAMA, kyakasatu , okwakasatu , 14,2018.

Baana, muhulirize okwesengereza KWANGE. Nimbetaaga mwikarre hansi muhulirize kurungi. Mwimuke! Murole esaaha eyimulimu kwikaramu. Ensi erimu kukaba. Byona tibiri kurungi. Ekiirima kirimu kusweka ensonda ina zoonza ezenzi. Enu eri saaha eyekiirima, baitu busaho kintu kyona ekikwisana nkekyo kyonyini ekiri haihi okuija. Mulimu kuhura buhura okurumwa kwebisa ebyokuzaara. Baana emitima yabantu erimu kweyongera bweyongera okufuka buli kiro. Ensi erimu kwebemberwa omunyanzigwa WANGE kandi erimu kwangira kimu amananu GANGE, okujunwa KWANGE, Okuganyirwa KWANGE. Oihireho okukora KWANGE, ekibi kiija kufuga kandi abasaija baija kudikira mukiina ekyaharaira muno. Emitima yabo eija kubeera kimu nkorubaale , etakuhurra, etakuroterra. Byoona ebikwetebwa ebirungi hati byona bibi, bataito muno bonka nibo bakwakisa omusana gwabo omunsi enu eyekiirima-nibo ekanisa YANGE, Abatoito muno mubatoito-etabaza ezinyakuijire namafuta GANGE. Abandi boona oba tibainiire kimu etaara rundi baine ezikwaka mpora muno. Banu nibo ntasobora okuihamu nkatwara obundiba nyizire okugaara buhyaka ekanisa YANGE,

okuntangatangana omu mwanya okugenda omu kuba kurungi,okuba ebiro nebiro na RUHANGA wabo. Mutekwa okuchwamu, mutekwa okukomamu . Byona nibisigikirra hanchwamu-butakora enchwamu era nakyo kiri kuchwamu kundwanisa. Mutafworwa basiru kandi mukatwarwa enyegesa ezibi ezinyakubagambira ngu byona birungi omunsi eyekununka kubi. Byona tibiri kurungi, baana. Omutima gwawe obuguraba nigukwoleka ngu mali ebintu tibihikire, buli ali MWOYO WANGE owalimu kukusukurra amananu. Ija okole okwehayo okwijiure, yogya egandura zawe, naaba engaro zawe kandi olekeraaho okuduragura(okusisa) ekyo ekikwetebwa eyekaaru ya RUHANGA. Rubata nanyowe tukwatangaine hamu omungaro, kandi leka nsemeze omwoyo gwawe hamu nomutima gwawe nekigambo KYANGE hamu namananu GANGE. Ningonza okubaleeta omu kujunwa. Mwiruke baana BANGE, mwirukire omu mikono YANGE. Ebigambo binu bikolirwe omu iguru , bikoziurwe RUHANGA wanyu habwoburungi bwanyu. Mubihulirize.

Abefeso 5:25-26 Abasajja mugonzze bakazi banyu, nka Kristo nauwe okuyagondeze ekanisa, kandi yayehayo wenka habwayo;26. nukwo agyeze obuyamazire okugisemeza nagyogesa amaizi omu kigambo .

March 22-25 2018

AMABARUHA G'OKWAKASATU OKURUGA 22 KUHIKYA 25.
EBIGAMBO EBIHEREZIBWE SUSAN KURUGA HALI MUKAMA, KYAKANA, OKWAKASATU, 22,2018.

Onu nuwe RUHANGA, wamaani kandi omukuru. Muhulirize kurungi nobwegendereza engeri ndimu nimpereza ebigambo ebikuru muno: Baana musabe okutunga okwahukanizamu. Enu niyo esaaha eyamaani eyokubihwabihwa. Buli hokuhindikira,hoona haliyo ababiihi bebisuba muli inywe abakulengaho okurwanisa abatumwa BANGE,amananu GANGE, omuhanda ogufunda. Mutekwa okuhereza okwehayo okwijiure kandi mukasaba okwijuzibwa na MWOYO WANGE okutunga akabazi kamaizo okurora amananu. Okwekamba okwebichweka hali NYOWE kubakingurraho bukingurraho okuhurra ebigambo ebigwire byonka,obutumwa obugwire,kandi kubasiga mutaine okwahukanizamu. Timwine amaani-Amaani GANGE aga MWOYO ARUKWERA. Nuwe wenka anyakubebembera omu mananu goona. Ekanisa YANGE eya koya koya nehabisibwa kandi teine amaani agokwahukanizamu kandi nahabwekyo baija okugwa kuruga aha muhanda ogukugya omu Bukama BWANGE. Baija kutangatangana abasuma aha muhanda ogubaroho kandi baija kubaibaho amananu gabu kandi bebembere bahabye ekanisa enu. Bacheke kandi baine okweisaniriza okwisana obwaruhanga baitu nibehakana amaani gabu. Onu nuwe anyakuli koya koya anyakuhondera enyegesa ezebisuba,abanabi abebisuba kandi bakaserra abapangisa okubebembera omukiikaro kyokwebemberwa OMULISA OMU WENKA OWAHIKIRE. Baana , mwimuke muruge omu kubihwabihwa. Mutunurre RUHANGA wanyu,mwegarukemu,muganyire abandi bona,kandi muije mweyogeze mwere omu kigambo KYANGE. Obuire bugufu. Mutekwa okwimuka kandi mukaruga omu kiho ekimulimu hati. Engonzi zibalindiriire, baitu hatali ebiro n'ebiro. Amananu gali gabo bonka abanyakukwata omukono GWANGE kandi bakarubata NANYOWE Omunkoragana kuraba omu kwebundaaza hamu nokuhikirra baine okwikiriza nkokwomwana. Binu nibyo ebigambo BYANGE. NINYOWE Anyakubalize. Ndi RUHANGA Omwebundazi...OMURWANI wabahikirire.

2 Timoseo 4:3 Baitu ebiro birijja, obubataliikiriza okuhu'ra okwegesa okwomire;baitu amatu nigabanuli'ra balyetungira bonka abegesa nkokwegomba kwabu okukuli;

EBIGAMBO EBIHEREZIBWE SUSAN KURUGA HALI MUKAMA, kyakatano,okwakasatu, 23,2018.

Baana, onu nuwe RUHANGA wanyu. Ndimu kuija, okusumurra abasibirwe-ndimu kwija okusika kufwora wobugabe ekanisa YANGE eyesemiire eyenyakukwatirire hali ensi embi. Mutageza okulekaho kurora hali RUHANGA wanyu hati. Mwikaze amaiso ganyu hali NYOWE, obuire bwona-okutahyatahya kusobora kurugirramu okufwa hati. Mutageza okuleka ensi okubasamaraza. Ensi erimu kufwa kandi nedikira nomu kibi kyayo. Erimu kwirukira omu mikono yomunyanzigwa WANGE Owanyakulimu kupulaningira okuhwerekera kwabo. Busaho emalirra yokusemererwa yona hali entaama ezikumataara ezinyakulimu kugenda omu mikono yemisega eyenyakulindiriire kubakwata. Entaama ZANGE zihurra iraka LYANGE, kandi zimpondera okugya aha bun yansi oburungi. Omunyanzigwa WANGE nayenda okubahwerekereza, okuhweraho kimu kwanyu. Nayenda munagirwe kimu omu kiina habwebiro byona ,butagereza kimu kutoroka. Tihakuija kuberaho kimu omuhanda nogumu ogwokutoroka hali abo ababuzire abanyakuhondera omunyanzigwa WANGE. Otageza okwikiriza okubihwabihwa. Bunu nibwo obuire obwokubihwabihwa okwamaani muno. Eri saaha eyekiirima ,bataito muno boona nibo baine amananu GANGE goona. Hataroho etabaza eyenyakuijire amafuta hamu namananu GANGE goona, Omunyanzigwa era asobora kubatwara omu kufwa. Mutekwa okuteeka amaiso ganyu hali RUHANGA. Mwikale muli bulindaara-mwikaze enyindo zanyu zemigiriize haidirisa;nimurora obutoosa. Mutageza okurora enyuma nka mukazi wa Ruta. Muserre RUHANGA wanyu. Muserre amaiso GANGE. Ninyenda omubiri gwanyu gwona,hatali ekichweka kyanyu-inywena. Kinu kisobora kwisana nkenyegesa eyenyakugumire baitu amananu gaikara gatanguhire okuhurra , baitu hali abo abanyakuserra amananu goona, omuhanda gwanguhire kandi nekiloligo tikikulemera. Mwiruke na RUHANGA wanyu kandi muraharuka nebihungu. Engonzi ZANGE zija kubasesekaho buli hokuhindikira hoona. Hati bunu nubwo obuire obwokuchwamu okuba WANGE rundi okundwanisa. Mukomemu kiro kinu nooha owumurahereza. Onu nuwe RUHANGA Owabomiire.

Matayo 25:4 baitu abamagezi bakatwara amagita omu nsale zabu hamu netabaza zabu.

EBIGAMBO EBITUNGIRWE SUSAN KURUGA HALI MUKAMA, KYAMUKAAGA, okwakasatu,24,2018.

Baana BANGE, ningaruka bwangu muno kukira abaingi muno engeri batekereza. Baingi muno batekereza ngu okuija KWANGE tikuli kwa hara muno omu bwire bwomumaiso. Baingi muno tibatekerezaho aha kugaruka KWANGE nakamu. Obuire obusigaire buli nkeitonde limu eryamaizi omu baketi olengezanizemu nengeri obuire bubaho. Baana, habwaki NYOWE RUHANGA mbaragira okuikara nimurora NYOWE omu kigambo KYANGE,okukira muno habwomulembe ogunyakuine oburoraho obukwoleka okugaruka kunu? Kikahandiikwa kurungi ngu obwebintu binu obubirirorwa byatandika okubaho,omulembe ogwo tiguligeza okuhinguraho okuija kwomwana womuntu kutakabaireho. Byona bitekanizibwe omuibale,-ebigambo BYANGE bihikire kandi bigumu,kwonyini nkengeri nabirambikire. Nahabwekyo nimurora engeri ebigambo BYANGE birimu kuhikirra? Nsaba abaana BANGE okurora nokunihira okwamaani muno habwokuba nkamanya ngu ebiro ebinyakwetoroire obuire bunu biriba bijuire omuirima gwamaani muno kandi nabaingi muno bakufwerirwe obwomeezi bwabo , nahabwekyo boona batekwa kuba bulindaara, nibarora,kuba betekaniriize okufwa omu burumi bwokuzaara rundi habwokuija KWANGE okwabwangu. Kunu abekanisa YANGE eya Laodicea batebeza enjiri enyakwahukaineho , enjiri eyenyakuijire ebisuba eyekukwataho okugaruka KWANGE hamu nokuikara oyetekaniize. Banu Bali bafu bamaiso abakwebembera abafu bamaiso. Balimu kwebembera baingi muno okugya omu kuhwerekerra hamu nokugya omu mikono yomunyanzigwa WANGE. Omuhendo guija kuba gwamaani muno hali ekanisa eyenyakugonza kulyalyatwa amatu gayo hamu nokuzina na setani. Kunu nukwo okumalirra kwabanyakubuzire BANGE aba koya koya. O' zibasangire abekanisa eyenyakwenda okunyumirwa kwensi hamu nokwatura okuba ba RUHANGA.Oli kinobi omu maiso GANGE. Murugeyo omu kanisa ensiihani kandi muije mwezibwe. Leka mbahereze egandurra ezikwera ezimbatekanirize.Leka mbahereze egandurra ezitaine kamogo ezokujwara. Obuire bulimu kuhwayo. Mutageza okukwatirira enyikiriza ezebisuba ngu byona biri kurungi omu mbeera zanyu eza koya koya. Timusobora kuhereza mammona, hamu na RUHANGA, byona

hamurundi gumu. Ekanisa yabanyakubuzire:mutunurre RUHANGA wanyu obuire butakahweriireyo kimu. Murabuirwe hati. Muine ebigambo BYANGE,. Okurabura KWANGE nikwetegerezibwa,kandi boona baija kuba bataine ekyokwekwasa. NYOWE Ndabura. NINYOWE anyakugonza.

Luka 21:32-33 Mananukwo nimbagambira nti, obusinge bunu,tibulihwaho okuhikya ebigambo ebi byona obubirikamara okuhiki'ra. 33.Iguru n'ensi birihwaho:baitu ebigambo Byange tibirihwaho.

EBIGAMBO EBIHEREZIBWE SUSAN KURUGA HALI MUKAMA, KYABALAZA, OKWAKASATU, 26,2018.

Ego muhara WANGE, malikwo yetekaniize okukuhereza ebigambo. Baana, onu nuwe RUHANGA wanyu owalimu kubaza. NINYOWE mbetoroire inyweni. Nfuga ensi yoona. Busaho kintu kyona ekintakurora omu maiso GANGE. Nyikara ndi bulindaara. Timbyama. Nyikara manyire buli kimu kyona ekikukwataho ensi eyinfuga. Ndi RUHANGA owanyakuli mubusobozi bwona owakukwatwaho mubwijwire kandi owanyakuli mwesigwa hali abo abanyakundeka okufuga obwomezi bwabo. Hayo ebyawe byoona mubwijwire hali NYOWE Kandi ngya okwebembera okuija kwanyu hamu nokugenda kwanyu. Timukwija kuba mutakurorwa eriiso LYANGE erikara litarukurorwa. Abandi boona abanyakunyanga bahereza obwomezi bwabo ondi ugu ayabanobere kandi owakuseera okuhwerekerra kwabo kandi owakubakolesa okuhutaaza abandi. Nikimanyisaki okuba omunda yomukugonza KWANGE?Niyo opositi yokukomamu okuba omu Kugonza okwawe kwonyini. Okugonza KWAVE nukwo okugonza kwomunyanzigwa WANGE. Ahakaniza byona ebinkali, ebyange, kandi nainywe nukwo,oihireho kakusinga muba muli omu Kugonza KWANGE. Muli mundagaano nekibi hamu nabyona ebyekibi kikukikira kakusinga muba muli omu kugonza kwanyu. Busayo karungi kooka omu Kugonza kwanyu kwonyini. Mubihabihirwe omunyanzigwa WANGE okutekereza ngu nimukora enchwamu zona ezoburungi kakusinga muba muli aheeru yokugonza KWANGE. Mutekwa kwetegereza ngu buli kimu kyona ekikwetwa kirungi ekinyakukolirwe omu Kugonza KWANYU malikwo biba kikorwa ebyekibi ebikolirwe aheeru yokugonza KWANGE okuhikiriire kandi bunu buli bwemi hali RUHANGA wanyu. Abanyakuli koya koya BANGE netabaza zabu ezinyakuine amafuta gebichweka babi kandi nabuli kimu kyona ekibakora nobuhakuba omu ibara LYANGE kiba kibi. Baija kusigwa bemeriire aheeru obubaliija hali NYOWE netabaza zabu ezamafuta agebicheka bali babi kandi nabuli kimu kyona ekibarukukora nobuhakuba omu ibara LYANGE kibi. Baija kusigwa bemeriire aheeru kakusinga baraija hali NYOWE bali netabaza zabu ezamafuta agebichweka. Tibaligeza okutaha omu bukama BWANGE, baija kugambwa ngu mundugeho inywe kandi obu ngu bakaba batamanyirwe NYOWE kandi ngu Bali abakozi bobwemi. Nimukomamu muta? Okuba koya koya hamu nokwangibwa? Rundi okwehayo omu bwijuire kuraba omu kwegarukamu hamu nenkoragana eya haihi ngana kandi nahabwekyo nokutangirirwa nemikono eyanjurirwe omu bukama BWANGE obwebiro ebitahwaho obwengonzi? Boojo kebera omutima gwawe. Nooha omukama wawe? Nooha owokuhondera? Ndakweta oha? Anyakwikirizibwe kandi akugonzebwa rundi akwangibwa kandi akuchwibayo omukanwa? Baana BANGE, obuire tibulinzire muntu wena. Buli saaha yoona eyimukuba muli omu kufuga kwa setani, muba mulimu kukora kurwanisa obukama bwa RUHANGA. Museere okuija kandi mube omu kwemerra omu kuhikirra na RUHANGA wanyu obuire butakahweriireyo kimu.

RUHANGA OWENSI YOONA. ARUKWERA,ARUKWERA, ARUKWERA.

Matayo 7:21-23. Omuntu wena anyakungambira ati Mukama WANGE, Mukama WANGE, tali ugu alitaha omu bukama obwomu iguru;baitu ugu anyakukora Isenyowe ali omu iguru ebyagonza. 22. Baingi balingambira ha kiro kiri ngu, Mukama waitu Mukama Waitu, tutagambire omu ibara Lyawe,?tutabinge mizimu omu ibara Lyawe? tutakole byamahano bingi omu ibara Lyawe? 23.Nyowe ndibagarukamu ningamba nti, tinkabamanyaga inywe;murugeho nambere ndi inyweni abakora ebyokwema.

AMABARUHA AGAMUKAMA KURUGA OKWAKASATU EBIRO 27 KUHUKYA 30.

EBIGAMBO EBIHEREZIBWE SUSAN KURUGA HALI MUKAMA,Kyakabiri , okwakasatu , 27,2018.

Baana BANGE, RUHANGA wanyu nabagonza. Mutageza okuba batiini omu nsi enu eyakazigizigi. Mwesereke omu mikono YANGE enyesigwa. Mutunge hokwesereka hansi yomwenagiro GWANGE. Musange obusinge omu mutima GWANGE. Ija kandi ogonzebwe nobuhakuba omunsi eyetamanyire nakamu hali engonzi. Musange RUHANGA Wanyu, museere amaiso GANGE. Ebigambo BYANGE bihandikirwe omu kitabu KYANGE, okuhumuza okutahinduka. NINYOWE KIGAMBO KYANGE! Mbaza kiro kinu kuraba omu sara, kuraba omu bigarukwamu byesara, kuraba omu kitabu KYANGE, kuraba omu MWOYO ARUKWERA WANGE nakolera kandi nayeyoleka omu bwomezi bwawe, hamu nokuraba omu batumwa BANGE. NDI MWOMEZI. Ndi owakworoba hali abo abanyakunserra nemitima yabo yona. Nsobora kusangwa. Ndimu kukonkona- mwije mugarukemu okwesengereza KWANGE, kwona. Ija engeri oruigi rwange rukyasobora kusingurwa. Haija kubaho ekiro nambere oruigi ruija kuba rukingirwe kandi rutakyakingurwa. Otageza kulinda okuba aha rubaju orubi orworuigi orukingirwe hali RUHANGA wanyu. Ebyokurabura binu burohokwo. Ekitabu KYANGE kihikire. Byona ebinyakuhandikirwe bijja kuhikirra. Munserre hati engeri ninkyazorwa. RUHANGA wawe owahikire okuserurwa.

Luka 13:25 Mukama wenju obwalikamara okuimuka, nokukingaho oruigi,nainywe nimubanza okweme'ra aheru, nokweranga ha ruigi, nimugamba ngu Mukama waitu, tukingu'reho;nauwe aligarukamu nabagambira ati timbamanyire, nambere murugire;

EBIGAMBO EBIHEREZIBWE SUSAN KURUGA HALI MUKAMA, KYAKASATU , OKWAKASATU,28,2018.

Baana ba RUHANGA,mbatunulire kiro kinu nokwesengereza KWANGE kwona. Muije omu sensi zanyu! Mutunurre esaaha eyimulimu kwikaramu. Ekibi kisasaine buli hokakuhindikira. Ensi eyimwekwasire ehindikiremu yagwa omu kibi kyamaani muno. Byona ebimukurora biri burorwaho nenyehurra eyokunoba RUHANGA. Ensi eyenyakunoba OMUHANGI wayo. Bwangu muno, nya kuleka ensi okutwalirwa kimu omunyanzigwa WANGE mubwijiire obundamara okutwara ekanisa YANGE eyehikire omu kulindwa kurungi okutaine buzibu. Aija okuikazibwa na RUHANGA we omunju emu habwebiro nebiro kandi kunu ensi enu netwalizibwa omufugi omubi kusingayo, omunyanzigwa WANGE owatakuija kwoleka mbabazi zona hali abo abasigirwe enyuma hali ebikozeso bye ebyokurwanisa. Baana BANGE, mananukwo timukwenda okurora ensi eyenyakuli hansi yekiniga mubwijiire ekya RUHANGA wawe hamu nekiniga ekyomunyanzigwa WANGE. Mutekwa kwija hansi yeipapa LYANGE eryobulinzi, emikono YANGE eyembabazi hamu nekisa. Baana BANGE, munage hansi ebyokwerinda byanyu, mwegarukemu, muganyire boona, kandi muheyo obwomezi bwanyu bwona mubwijiire hali okurolerwa KWANGE hamu nokulindwa okwijiire. Busaho muhanda gundi gwona. Emihanda endi yoona eija kubatwara omu kuhwerekerra kwanyu. Muije omu mulingo Gwentekereza YANGE. Nya kugarura buhyaka entekereza yawe kandi nkuhereze omutima ogusemiire. Lekeraho okuzina nomunyanzigwa WANGE hamu nokurwana na RUHANGA wawe. Biikiza hansi obwomezi bwawe kandi ondeke nkutwale omu kiikaro ekyahaiguru muno. Leka nkulete omu bwomezi obutahwaho obunkutekanirize. Nkwiniire pulani, obuire bwa nyenkya obutekanizibwe. Ija kandi omanyere hamu na byona ebinkutekanirize kara. Kunu nukwo kweraganiza KWANGE-okunihira hamu nobwomezi bwa nyenkya. Ebigambo BYANGE bisobora kwesigwa. Ija obyamye omutwe gwawe ogujwahire ahaibega LYANGE. Nyenyumiriza omu kuhumuza abaana BANGE. Onu nuwe OMUKAMA wawe, YESHUA. Yeremiya 29:11Baitu manyire ebitekerezo ebindikutekereza namberemuli,agambire MUKAMA, Bitekerezo ebyobusinge, kunu tibiri byakabi. Okubaha okunihira hampero yanyu eyahanyuma.

EBIGAMBO EBIHEREZIBWE SUSAN KURUGA HALI MUKAMA,kyakana , okwakasatu ,29,2018.

Baana BANGE, RUHANGA wanyu aijuire engonzi habwanyu. Nyumirwa ebihangwa BYANGE. Nyenyumiriza omu burungi bwemikono YANGE. Nteeka ebitekerezo ebyamaani muno omu kuhanga kwa buli omu , omu baana BANGE. Nikizokera kimu tingonza okuhwerekerra kwanyu hamu nokumarwaho kwanyu okwebiro nebiro. Nimbenda mumale ebiro ebitahwaho byona muli NANYOWE.Manyire pulani ezimbainiire. Okunihira hamu nanyenkya enungi muli na RUHANGA wanyu. Omunyanzigwa ali musuma. Aija okuita, okuiba hamu nokuhwerekereza. Nayenda okubanyibaho kandi nayenda NANYOWE okunyibaho inywe. Nayenda okuhwerekereza nyenkya yawe na RUHANGA wawe hamu nokutwalira kimu okusoboka kwona okwokuba na nyenkya yawe muli hamu na RUHANGA. Abaana BANGE, bamwikiriza Okubahwerekereza. Tibakuija nokuseera obwesereko omuli NYOWE. Bekomeramu bwekomeramu mukikaro kyekyo omuhanda gwabo ogwohwarekerra. Haroho emihanda nyingi muno eyekugya omu kuhwerekerra. Yoona eyebembera netwara omu kwebaganizamu okwebiro byona hali RUHANGA-obwomezi otali na RUHANGA. Tikikumukwataho oba mulingoki engeri ohwerekeriiremu hali Omunyanzigwa WANGE. Akolesa okulemera omu muze, esente, ediini,enyegesa,ekibi,;obwemi,okwegomba kwensi,enkoragana, zafirosofi, ekiikaro ,amagezi, hamu nemiringo nyamwingi okusika kunaga hansi abaana BANGE,okubasikiriza, hamu nokubaita amaiso,butarora amananu. Haroho omuhanda gumu gwonka ogufunda. Nizo emiringo YANGE, pulani ZANGE, amananu GANGE, agakuija okukwebembera okukutwara omu bugabe obuhikire hamu nokujunwa. Mutekwa kukora enchwamu. Muserre omutima gwanyu-muchwemu mugandaki ogumurakwata, nkabahereza obwomezi, hati murakokamuki? Okuhwerekerra kwanyu rundi obwomezi obutahwaho muli Nomuhangi wanyu? Muzoole omuhanda gwanyu ogukugya omu bwomezi bwanyu obutahwaho -obwomezi obwabatekanirizibwe kara RUHANGA wanyu. Ndindiriire. Leka ntagase omutima gwanyu ogukufuka. Leka mboleke omuhanda ogukugya omu ngonzi ezihikire. ENGONZI zirimu kweta,ija omuka hali RUHANGA wawe.

Yohana 10:10 Omusuma taija rundi, okuiba,nokuita, nokuhwerekereza, :nyowe nkaija zibe nobwomezi, kandi zibe nabwo obuingi.

EBIGAMBO EBIHEREZIBWE SUSAN KURUGA HALI MUKAMA, KYAKATAANO, OKWAKASATU, 30,2018.

Baana Bogu anyakuli HAIGURU MUNO. Ibara LYANGE LYEKITINISA. Nyijuire okugonza. Nsobora okuhikiriirwa,nobukiraaba ngu abantu abakukira obwingi omu baana BANGE tibanseera, bantu bataito muno nibo baija haihi muno Nanyowe. Ija haihi muno NANYOWE....Munzoole...munserre...mujje mumanye. Nsobora kumanywa. Ekigambo KYANGE, tikigamba kiti? Ninyenda ekanisa eyekumanya-enu niyo nkuija kuizira obundaaba mazire kwetekaniza okujuna abo malikwo abakugonza NYOWE RUHANGA wabo. Ninyenda ekanisa eyekugonza nokukira kugonza neminwa yabo yonka baitu nebikorwa byabo, ebitekeeezo,ebigambo byabo,hamu nebikorwa byabo. Ekanisa YANGE Eya koya koya ebazaho hali engonzi zayo ezenyiniire , baitu emitima yabo eri hara muno YANGE. Amaiso gabu nigarora enyuma, nka mukazi wa Ruta. Bagamba ngu BANGE, baitu barubatira omu muhanda gundi. Baikara aha muhanda ogugazi nobukiraaba ngu eminywa yabo eyatura ibara LYANGE. Okubihabiha kwabo kuija kubaika aheeru kandi nya kubatanakayo okuruga omu kanwa KANGE. Baana, mutabihwabihwa. Enkoragana eyeibichweka teri nkoragana,nakamu. Nezooka kubi muno omumaiso GANGE. Obwabaana BANGE balengaho kunkwata omungaro ZANGE hamu nokukwata omungaro zomunyanzigwa WANGE, hamurundi gumu, kiri kijumo omu maiso GANGE. Bunu nubwo obwomeezi bwawe?Kebera omutima gwawe. Yega amazima. Amazima agebichweka tigali mazima baitu kiri kisuba ekijuire.

Mulimu kubaza ebisuba byonyini kakusinga mugamba ngu mumanyire kandi mukarubatira omumuhanda

ogundi. Leka nkwoleke ensobi yomuhanda gwawe. Ija hali NYOWE noyayanira okwehayo okwijuire, okwegarukamu buli kaire,kandi noyenda okutunga obwijuire bwa MWOYO WANGE, oihireho kinu,oija kuba obuzire habwebiro nebiro. Hati baana, mubaze ebigendererwa byanyu.Omunyanzigwa nagendagenda nkentale naserra oha owaralya. Mwirukire hali NYOWE, kitalyekyo muija kulibwa mumarweho ekibi kyaye. Muine enchwamu ibiri zonka. Amananu nigo engonzi kandi NINYOWE engonzi. Ndi RUHANGA wamananu goona.

1 Petero 5:8 Mwerindege, murolege,omunyanzigwa Wanyu, setani nkentale erukububura nagendagenda nase'ra owaralya.

Okusukururwa 3:15-16 ati Manyire emirimo yawe nti tofukire, kunu torukutagata :kuba ofukire,rundi otagasire! Nukwo obwokutagata koya koya, kunu torukufuka, kandi torukutagata ningenda okukutanaka omu kanwa kange.